


阿破羅摩耨怒天化生觀明瑞靖天一名太皓天天立上精化生神仙度世飛神王符直符吏三十六人



阿衛億羅天帝玉號玉清上皇玉虛之君字明蘭於阿衛億羅天中一元化生太玄那首天



阿衛億羅天化生玄明恭慶天一名水音玄沙天天立上精化生神仙度世飛生玉符直符吏三十六人

玉清上官科太真文

正一天師清微弟子 洪百堅 製作
道教學術資訊網站

太上九真明科

亦曰

太上告諸天帝王後聖君上相青童太極真人曰凡是後學得見上真三洞寶章秘經首目者皆東華書名金字上清雖未超騰控轡紫庭皆是升度之人也然雖見此文而不知九真明科條檢儀式三洞奇文太上寶書不可得而便披也明科寶秘藏於玄都之宮玉京金房之內不傳於世乃明三洞之淵蹟標最真之儀格拔宿對於幽官度七玄於仙籍實總落於萬道解九陰之重責其妙可得立用其科可得爾屬今故標出三品篇目以輔揚三奇素靈妙經可誠於後學使勤尚之人告慎於冥契
諸天帝王後聖元玄帝君上相青童太極真人稽首敢問太上天尊至真上法高秀玄澄落落萬宗玄寂虛凝妙超激玄法化三乘彌綸億劫量何可勝豈復稽於明科乎
太上曰善子之言夫後生之徒自非玉虛之胤結自然而生者皆於混元泮流於囂穢也結有不純之行性有不專之美雖希慕玄曠

故心恒背伐舉止所乘莫不犯於過過生手
 外穢命乎內承此而學豈不去真遠哉如使
 三官報欲對在幽司禍延七祖罪累於身有
 犯斯過者而使悟於玄科有糾罰之制聖化
 之大復許有贖罪之法案科而用如此期真
 將必近矣為學之士而無此檢亦徒勞於精
 思無益於苦念也今故標出九真三品明科
 自可授於後學庶為真人者帝君上相青童
 太極真人於是退齋上清奉受素靈大有妙
 經九真科檢祕於金藏玉匱衛以玉童玉女
 各三千人侍典靈文散香虛庭飛龍靈獸巨
 虬千尋香爪雲璫備玉闕也如是十天大聖
 九官真仙一月三過莫不上登玄宮稟承明
 科禮拜於經文也上相青童君曰凡有金骨
 玉髓名參青童得有此文祕而施行於是承
 受之儀玄合上典施用節度與真同功蹟罪
 技難宿結咸解七玄之祖於是而欣已身昇
 騰上宴玉京也

上素靈大有妙經三奇之章高上玉皇寶篇
 祕在九天之上大有之官太玄靈臺玉房之
 中上皇之初舊科經萬劫一傳三道正明學
 真格與高上正科七十年內聽得三傳侍衛
 玉童玉女各七千人執香典靈案科傳授之
 法皆對告齋百日分金鈕為盟合玉童玉女
 依四極科不依科而得罪延七祖幽鬼充役
 吞火食炭負山運石以填無極之源已身抱
 風刀之罰身沒形殘長閉地獄萬不得仙
 玄都上品第二篇曰傳大洞真經三十九章
 於後學者誓以上金十兩銅二十五斤金鈕
 五雙金魚玉龍各一枚青絲一兩纏鈕為盟
 雌一以上金五兩五色文縉各五十尺香一
 斤金鈕三雙太上素靈洞真玄經上金三兩
 紫紋百尺青縉二十七尺赤絲五兩香一斤
 丹一兩上皇以信誓心不得有闕闕則虧科
 師犯則違侍經玉童玉女還於本官不過三
 年身被風刀之考自然失經受者不依明科
 目皆失明形殘七祖父母充此鄭之責萬劫
 還生非入之道學者慎之

玄都上品第三篇曰凡有金名東華玉宇上
 清得受太霄琅書瓊文帝章紫度炎光玄真
 變經上清變化七十四方九真中經丹景道
 精隨地八街解形遊變流景玉經七變備天
 皆九天真王元始天王太上天帝君中央黃
 老君受於太空之中九玄之內虛無之高章
 也皆祕在太上靈都之宮紫房之內三元君
 主侍衛玉童玉女皆三千人元始之初經七
 千劫一傳自三道立正之後七十年內聽三
 傳七百年中有人亦聽傳皆對齋九十日
 或三十日或九日告盟而授之給玉童玉女
 依四極科若不依科而得罪延七祖父母充
 貴鬼官運濛山之石填積夜之河萬劫還生
 不人之道已身被風刀之考自然失經終不
 得仙傳者慎之

玄都上品第四篇曰傳瓊文帝章金魚玉龍
 青縉四十二尺金鈕三雙之誓紫度炎光五
 色錦各五十尺上金五兩沉香五斤真朱一
 斤書刀一口金珠七枚絳文七十尺之誓上
 清變化七十四方青縉四十尺上金十兩金

鈕六雙好香一斤金魚玉龍之誓九真中經具科裁髮為盟今以白絹九十尺准盟法於九真之數青絲一斤絳縵二十四尺此日暉之誓若縵二十四尺月華之誓金銀三雙元常童子圖變之信丹景道精隱地八術解形避變流景玉經悉上金十兩金魚玉龍各一枚青縵四十尺紫紋四十尺金銀各三雙七變儂天上金五兩朱一斤青縵三十二尺之誓信以質心不得有闕闕則違科師以天信投於山棲以極窮之餘以供管經書之具不得他散師犯上科奪玉童玉女減筆奪紀注名度還北鄭受者不依科皆喪魂失神風刀之考不出三年自然失經終不得仙

中有其人聽一傳給玉童玉女依四極明科授者對齋九十日或三十日或九日而傳不依科而傳罪延七玄之祖長充鬼役無有解脫已身被風刀之考死充下鬼萬不得仙

玄都上品第六篇曰傳消魔智慧寶洞飛霄絕玄金章紫鳳赤書八景晨圖皆上金十兩玉札一枚金魚玉龍各一枚紫縵四十尺金根聚經靈書紫文上金五兩金簡玉札各一枚枚長一尺六寸廣二寸四分金魚玉龍各一枚紫縵百尺青紋四十尺三天正法青縵三十尺青布四十三尺金環五雙以為容誓上金十兩通神之信金真玉光玉佩金璫玉清隱書皆金魚玉龍各一枚以為誓信依科不得有闕闕之則師奪玉童玉女注名還度北鄭受者皆喪魂失神考以風刀不出三年自然失經萬不得仙

侍衛玉童玉女皆三千人依科七千年一傳三天立正之後改七百年內聽三傳若百年中有其人便傳傳授告齋九十日或三十日給玉童玉女依四極明科不依科而傳罪延七玄之祖長充北鄭鬼役十苦八難已身被風刀之考永沒幽源萬不得仙

玄都上品第八篇曰傳七星移度青紋三十二尺絳縵三十尺鳳紋之羅九十尺金鈕一雙白羽黑翹飛行羽經金二兩青縵三十二尺以代裁髮翳血之誓飛步天網錦三十尺金魚玉龍之誓靈飛六甲白素六十尺金環六雙青絲六兩天科以信質心不得有闕闕則違玄都師奪玉童玉女除落青簿玉名移還北鄭受者不依科亡精喪神罰以風刀不出三年自然失經終不得仙

玄都上品第九篇曰傳方丈震靈露落七元八天隱文流金火鈴金神虎符消魔支幹夜照神燭八術隱道紫清玉符五籙洞玄六甲上符五行秘文玄都玉格諸符凡有六百部太上悉以其文標於舊經之內以為立用傳

授明科悉依經科傳受有闕罪同上品有經無符則天魔害人有符無經則思念無感神真不降科云皆不得單行單行罪亦如之科經及符本同出於自然之氣虛無之章旨故不得獨循也無科循道萬不成也

玄都九真明科中品誠罪篇

玄都中品第一篇曰諸是後學七祖以下有殺害人命劫賊攻略謀圖奸淫篡逆之禍九族交通謀反無道其考尤重怨對欲違精結九陰非赦所原後生皆不得以餘殃之身參涉真經竊受寶文若有苦至志尚自勵首謝七玄重施功德拔出幽魂披露已身於三光之下散誓至頭三年不倦自費重信拔於九江贖解前咎然後聽得清齋百日奉受寶經然後行事有此之罪而不先自罰責吐首天冥而受法者師及弟子同被風刀之考七玄之祖長閉幽源負石擔山萬劫不解身亡失經明慎之焉
玄都中品第二篇曰凡欲修學上法已身先有重罪手殺人命及酷虐下賤殺害眾生劫

略百姓謀圖姦殺九族相交頗妬賢能悖逆師主不赦之罪積結九陰皆不得參受妙法循行經文若能苦志吐首先犯劫功德德披露三光散誓叩頭三年陳謝罰杖可以贖已愆赦出七玄使三界各別然後聽得清齋百日奉受寶經行事有此之罪而不先自首謝責罰自厲而受經文師及弟子同受風刀之考魂魄十苦八難身沒幽泉自然失經七祖父母長充幽徒萬劫不解學者慎之

玄都中品第三篇曰凡是學者受三奇寶文上清秘經輕世目錄以示不同宜露妙秘輕慢寶章者一犯至十罰功斷事三年然後得更清齋修行過此以上皆罪結九陰考延七祖充役三徒運石負山十苦八難經萬劫得出還更生不人之道已身罰以風刀之考失

明形殘死充下鬼萬不得仙奉者慎之
玄都中品第四篇曰凡是學者受上清寶經三奇寶文不得哭泣臨見死尸及血穢之滲一犯至十罰功斷事一年然後得依科自罰按罪太陰更清齋行事過此以上二十四犯

奪算減命玉童玉女還於本官不出三年失經身喪七玄之祖長充鬼役萬劫不解學者慎之

玄都中品第五篇曰凡學者受上清寶經三洞秘文不得帶近婦人行陰陽之事皆混滓真氣十犯至二十四過罰功斷事三百日然後得清齋循行過此以上玉童玉女各還本官減算促命不出年失經身亡七祖被考學者慎之

玄都中品第六篇曰凡學者受上清寶文三洞秘文而心懷賊害手行虐暴殺生行凶攻略奸詭媚賢妬能攻毀同氣伐敗經師一犯至五聽得罰信謝責九陰拔罪五歲斷功禁事十年聽得清齋還修所受過五以上至二十四犯司執殺收攝魂神充責北鄰七祖充役經萬劫得還更生非人之道玉童玉女各反上官不出一年失經身亡終不得仙學者慎之
玄都中品第七篇曰凡學者受上清寶經三洞秘文不得北向便曲及食五辛六畜之肉

飲酒邪淫虧道慢法疑貳不專十犯至二十四過聽得依科罰信謝過太陰斷功一年然後聽清齋九十日還修所受過此以上減算促令身被風刀之考七玄充貢三途不過五年失經身亡學者慎之

玄都中品第八篇曰凡學者受上清寶經三洞祕文當依科資信詣師告齋然後受經不得告盟而妄披寶文凡諸學人得經便師而受焉此皆冥使授之不得輕略竊寫及改易聖文以意自決毀名古音自作一法四司所糾罪書九陰一犯至三斷功禁事三年案科自罰技信九河更清齋三十日然後得還修行過此以上至二十四過玉童玉女各還本宮減算奪命身役鬼官七玄之粗長充鬼役萬劫得還更生非人之道學者慎之

玄都中品第九篇曰凡受上清寶經三洞奇文當別室安高牀高四尺四寸廣五尺異諸凡下之經明燈燒香朝夕禮頌常為供養不得使異炁之人冒庵履穢及婦人參入內觸誤神真此世間所用之科受經之身不得本服

後從交關非類卧息坐起皆當與物有異犯者從一至二十四過罰功斷事一年然後更清齋修行過此以上為四司所執書過玉清還名鄴都七年身亡失經七祖被考奉者慎之

玄都九真明科下品贖罪篇

玄都下品第一篇曰凡有後學之人七祖父母生世有犯玄都上品中品第一篇之罪其考九重結在九陰七祖對寬幽掠累劫殃充後代宜速不釋者皆當露身太陰之下披髮叩頭首罪九陰三年自責年竟黃金錄九隻一兩金人一形投於三河之口以贖七祖之罪技出幽塊之難其科朱書五行桐板一枚記曰某年某月某子朔如干日子某郡縣鄉里某七祖父母下逮己身有犯玄都上品中品第一篇之罪罪結九陰今謹依科罰金錄九隻金人一形以贖幽塊酷對之罪投書告命歸首水官以自解技罪滅三官塊昇九天畢以青絲纏物及板以青石沈之臨沈之時北向仰頭呪曰

太陰九君執司靈官甲今有言歸告河源投信九源技出七玄怨對滅解我身登仙畢如此七祖之考於是釋散得離幽官上昇福堂己身便得參修寶經九年尅有真靈降形與神同升也玄科充重不得又犯

玄都下品第二篇曰凡欲修學上真之道若己身先有犯上品中品第二篇中之罪其考沈結罪九陰盤塞冥中上廷七祖考對窮魂纏綿不解者皆當先於太陰之下北向散髮叩頭首罪三光三年剋責年竟當資真朱一斤書刀一口上金一兩金人一形投於三河之口以贖己罪酷逆之過解結三官技出七祖其科朱書青縉二尺上記曰某年某月某朔日子某郡縣鄉里某甲年如干歲甲身先無所見行失玄科手犯元惡上羅玄都上品中品第二篇之罪罪結太陰以依科罰金人一形真朱一斤書刀一枚以贖己身醜惡之罪投書告命歸首有靈以自解技罪滅九河身得長生畢以青絲纏物及文以青石沈之臨沈之時北向仰頭呪曰

上有太陰執司九君甲今有言歸告河源贖罪解結投度九難怨魂對魄各反自然禍滅學仙我身得升畢如此九陰之結便得解釋怨對之魂反於自然也便得修受上清之經九年不虧真靈降形與神合真也玄科嚴重不得又犯

玄都下品第三篇曰凡修上清寶經洞玄秘文已身有犯於上品中品第三篇目之罪其考結於太陽為四司所執言奏玉清犯此之過當斷功克已入室燒香叩頭首謝北向叩齒十通仰頭咒曰

太玄幽邃下世希聞輕泄寶真上虧常尊自收負責伏款靈門伏願高上曲垂玄恩降以靈感啓以自然畢便叩頭九過如此三年首謝更清齋三十日得上解三官解考九陰使還修行寶秘密念剋得飛仙玄科尤重不得又犯

玄都下品第四篇曰凡修學上真之道已身有犯上品中品第四篇目之罪罪結九陰懸考玉清犯者當於中庭夜半然三十二燈以

洗穢氣清明內外入室燒香北向叩頭首謝所犯叩齒三十六通仰頭祝曰

世運交衰乾尸翳彰穢氣紛紛與真相迎虧科犯誠身入罪鄉贖以禮謝洗以明燈禍散三清福充身昌道痊曲流其慶靡央畢又叩頭九過止如此一年更清齋三十日然後得還修事檢行慎科懃心注真九年剋得白日登晨

玄都下品第五篇曰凡修上真之道已身有犯上品中品第五篇目之罪罪結太陰考應青宮犯者當作香湯自浴資油於中庭然二十四燈九十日入室北向叩頭九過首謝所犯叩齒二十四通仰頭祝曰

天乾地坤二象交通陰蒸混正穢氣彌充喪神虧寶損落法容謹以明燈上映玄宮散禍九陰福慶歸宗畢如此九十九日竟退齋二十四日然後得還修行真法每在告慎明依科文剋得玄真與形合仙玄科尤重不得又犯玄都下品第六篇曰凡修上真之道已身有犯上品中品第六篇目之罪其罪尤重為四

司所執考結太陰對在幽宮有犯當於太陰之下披髮叩頭首謝玉清解投太陰依科當以私寶散乞貧民作百人食以伺饑乏十年入室叩頭自責北向叩齒九過仰頭咒曰

天退地廣九原開張身履福門懸罪玉京條羅纏落玄洞靈場散寶拔罰施以窮糴罪消太陰福生十鄉去故奉新方降未央畢又叩頭九過止此乃高上拔罪上法標於正科十年如此宿罪滯考並消太陰施行自責年竟更齋百日然後得還修行控身慎法不得重犯

玄都下品第七篇曰凡學上真之道有犯上品中品第七篇目之罪罪充上清犯者當以香十斤送同學之人合十處拔罪一年入室燒香東向叩頭九過首謝上真叩齒九通仰頭咒曰

五氣錯綜上真不全身染穢悉觸忤洞門傷藏伐命挫動三關違科犯誠羅考自造謹以罰責歸告帝尊乞白使我於今自宣去離下世上登天仙畢如此一年竟更齋二十四日還修所受剋得真靈下降明科之大不得

重犯

玄都下品第八篇曰凡學上真之道有犯上品中品第八篇目之罪為監司所執考結三清祀者當以清油一斛於中庭燃燈多少適意唯令油盡又以上香十斤奉有經之師以拔其過三年入室燒香北向叩頭九過首謝所犯叩齒十二通咒曰

天真高遠玄光下明緣持宿慶得親真經未獲玄科虧略天靈違真犯誠沉身分冥冠自責屬歸告上清自是之後洗濯故形奉承玄真與道齊并畢三年周竟當更齋九十日先以師受便得修行未經師受當實信詣師度經修行如科剋得上升玄科尤重不得又犯也

玄都下品第九篇曰凡修上真之道有犯上品中品第九篇目之罪罪結於九陰懸考於玉清祀者當然七燈於堂前入室叩頭首罪經前叩齒二十四通陳咒曰
玉光垂曜仰徹上清執供不禮衝犯寶經恐為四司列罪紫庭謹重齋敬仰希真靈曲垂

下降減罪消刑攝奉玄科永保元真畢如此一年更齋二十四日然後得還修奉所受玄科尤重宜自明慎不得又犯

右太玄九真明科三品二十七條出自太上靈都之宮太上常所寶秘不宣下世今抄立用要訣以付後聖輔明三奇操以大有素靈之經有骨分合仙便得此文施用拔罪解登釋結散理七玄將無三年真靈見形與子合并同昇九天輕泄玄科罪同上文惟在寶秘密而奉行

玄都九真篇曰傳授經自在九真三品科中者是後聖帝君始佩經之時受於太上道君太上授經出於三品明科以輔三寶奇文上真道經施用之科格其三十一卷獨立餘事及衆經儀品悉在四極明科之中九真三品以三素之上篇置於九帝之宮四極以四司之官總統衆非亂罰之禁律太真明科以太帝君所受元始天王之玄章上真之儀格其法秘於九天之上太帝之王藏誠於上真之官不行於世九真明科以禁後學四極明科

總領四達其旨幽微自無金字玉名不得知聞有得此篇不須學而自成科以禁罪見科知改知改則無虧於天地無虧於天地則合於自然合於自然便得上補於真仙也無科而學去仙將為遠矣

玄都九真篇曰凡有至志名參玄宮欲單受明科知天法禁然後受經審有骨分亦可先告盟而授之盟信法物悉依三奇寶經之數年限亦同如之不得輕付非真靈露玄文不依科言身沒鬼官七祖父母履刀山劍樹萬劫不原外如不依科言罪同科文彼此之禁學者慎之

玄都九真篇曰凡受上法而不承明科虧略天禁罪累七玄考違一身既知改首罪責自屬還修所受而迴又犯其考重先此則骨命不合形與真反魄同鬼位皆不得重首後修於真經也吾今故以明科悟於未悟既知而犯將何要哉奉者慎之
太帝君讚

醫醫元化初 眇眇晨霞散 太寂空玄上

寥朗二儀判	凝精抱空胞	結化孕虛觀
合精噴神內	儵歎啓冥且	始悟憂促齡
運交反天漢	蕭蕭振虛遊	旋行禮玉京
稽首歸太無	乘風散靈香	俯仰帝皇堂
飄飄隨虛翔	妙唱發奇音	吟詠太真章
流度四大界	十天量無央	閭臺發幽夜
神燭吐奇光	璀璨玉林華	耀熠燦瓊堂
虛生自然煙	蒼鬱御玄綱	羣真披霄縹
寶蓋順風昂	飛步詠空歌	神唱化道張
警鬱大化隆	濟濟滋道興	積學隨日感
功滿入大乘	福慶遠一切	七祖咸得升
整駕陵太華	迴轡絕霄館	靈風鼓空洞
香裕乘煙散	蕭蕭樓靈堂	誦誦步玄漢
朗詠啓幽襟	拔度宿根難	五苦應時解
流芳注陶灌	朗闕峙雲網	飛霞翼靈輿
提携無跡真	窈窕入太虛	乘空誦玉篇
蕭條詠羽書	廣念無不善	一切慶有餘
天帝君讚		
至道生空寂	玄響陰相求	三真本元一
氣化理還殊	法輪無形內	飄飄清觀流

凝章不待思	結氣合玄符	靈唱發空歌
吟詠步虛遊	玄化本無跡	有跡生道宗
遨遊九天際	息駕六領官	提携高上賓
反我素靈房	道暢虛漠內	靈歌發太空
形感至寂庭	思詠希微通	雲光翳晨暉
停曜登玉京	玄龍不待駕	蕭蕭步虛翔
手撥七寶華	靈風散奇香	妙詠乘襟發
繁榮啓玉章	萬氣混元一	總歸三玄梁
乘天不云高	遐望九玄遠	振翮思玄轡
希登暮雲霄	積念告靈感	期與玉真交
曖曖天漢澄	飄飄景雲迴	三真騰空上
控轡迅紫微	明唱度後身	咸令乘景飛
拔出三塗難	九玄離苦哀	
太微帝君讚		
太真生空洞	瓊羅耀寶臺	旋行禮玉京
衆仙唱微詩	迴轉無跡內	虛歌奏幽期
度身上生天	吟詠積福基	策轡太霞館
時復宴景雲	飄飄無塵際	離離入玄門
意通道亦暢	心丹志亦分	積學隨日新
詠我素靈文	八景運天典	飛霄蔚玄旌

素蓋乘風迴	家寥入紫清	妙讚萬真曲
玉響何鈴鈴	披技九陰籍	度身反南庭
慶流普一切	妙化靡不榮	清淨玄道宗
明朗煥太空	妙化由靜嘿	潛想三素宮
積念徹玄虛	微微至道通	叩詠響玄寂
靈唱靡不隆	丹暉映雲庭	紫煙耀玉林
煥爛七寶華	璀璨推靈音	官尚自相和
妙趣領八於	玄唱種福田	廣度無界心
後聖金闕帝君讚		
眇華元始天	三象混玄一	蕭蕭正道興
浩浩大乘逸	六氣還正庭	總歸沈九室
出入遊帝堂	精華耀雲日	運周反天漢
窈窕乘玄七	圓華映明珠	二景對真光
靈暉啓翔會	玄象交扶桑	冥度自相求
陰陽玄八荒	若能餐此精	長得御玄綱
遊戲九玄臺	解憩西羽阿	神獸鳴瓊堂
飛鳳互參差	虛生自然詠	真人唱節和
化身劫仞庭	緣香命清歌	建功立福田
拔度後身羅	七玄散幽宮	去離元難那
飛度躡霄嶽	翔翮東華宮	風雲虛中唱

玉音散瓊堂 真人詠空歌 妙響絕雲房
解我自然襟 成我積劫功 長嘯九玄上
清磬觀空同 龍吟絕宅府 鳳嘯太霄館
虛唱无留味 哀音乘風散 誰能究此章
精誦素靈讚 以解九陰過 技度七玄難
太極真人曰太上素靈洞玄妙經以元始同
生靈文既存衆真詣座燒香禮經旋行誦此
二十一篇之章以慶於神庭也玉音激朗清
徹九天其句幽微妙趣傍通誦詠一過萬神
啓靈恒能究習與帝合真解宿對之重責技
七玄之幽宮解五苦於愁魂度身上於生天
妙乎微哉斯之靈文也

太上九真明科

洞玄靈寶千真科

洞玄靈寶千真科

爾時太極左仙公以吳赤鳥三年正月一日
登勞歛山精思念道是日中時有地仙道士
三十三人詣坐燒香儵爾之時乃有天鈞伎
樂萬鍾樂作太上道君與諸聖衆天真真人
扶乘千真仙童玉女乘空履虛同時俱至變
所居處床座莊嚴太上道君依位而坐仙公
稽首伏地良久言曰玄積劫有幸好道樂真
街荷慈尊降此早室千真集會喜慶難言沈
迹下僚未由大悟不審人間居處道俗執儀
進退之誠伏希指示太上告曰子有功德宿
著左仙暫託因緣寄生下世為物宗匠助道
私宣乃命千真為說科戒千真唯唯伏受教
言護命真人乃說科曰
科曰施制立法要假能行衆中無法者不問
老幼悉不得共住共住之人必須同遵聖教
動止合儀惡惡能斷善共保護如勸惡者事
在別科
科曰道法清虛不希名利閑居靜室謂曰仙
家我弟子中多蓄錢財寶貨牛馬奴婢耽着

不已如此之人斷三寶原奪衆生眼能持經
奉戒俱為滅法
科曰大德名人同住一處有狡猾弟子若欲
歸依或愛情未離或枉威逼事不獲已各試
機宜或先令苦使或誘引恬言或獨立坐忘
或擯令遠去或出經寶教授令齋戒治除或
懼自尊威而令傍人撫接若終惡不改而無
進善之功畜斯弟子是滅道法永須遠離
科曰若有弟子愛樂正法深經大義咸願欲
聞直以機在前緣衆根闇鈍如此之人善欲
堅發可須安慰三戒五戒示靜安心大德法
師是衆生模範若心性高者而令低心下意
若動止強梁而須攝伏若其懦弱勸進勇猛
既為衆生父母寧不慈憇必契道法無退轉
科曰出家之人能持三戒五戒九戒十戒乃
至三百大戒等一戒之中各有二十四善神
之所擁護天人供養不犯衆惡有不信戒衆
惡故犯罪結冥陽却受生墮落盲道遺戒奉
戒得福獲罪不問道俗至理無偏其功等爾
科曰上德尊人住持大衆下有小過須避嫌